

Ársskýrsla Æskulýðsnefndar



Sleipnir 2012



Ársskýrsla Æskulýðsnefndar Sleipnis 2012



Kynningarfundur
4. janúar 2012

Kynningarfundur starfsársins 2012

Kynningarfundur Æskulýðsnefndar var haldinn í félagsheimilinu Hliðskjálfi þann 4. janúar. Góð mæting var á fundinn. Formaður nefndarinnar flutti ávarp og að því loknu var kynning á dagskrá vetrarins og þeim námskeiðum sem í boði voru en leitast var við að mæta þörfum allra aldurshópa. Kynntir voru reiðkennarar vetrarins en þeir voru: Þorvaldur Árni Þorvaldsson, Ragnhildur Haraldsdóttir, Hugufrún Jóhannsdóttir og Rósa Birna Þorvaldsdóttir.

Námskeið hefjast.

Námskeið vetrarins hófust 16. janúar og var kennt í reiðhöll Sleipnis á mánudögum, miðvikudögum og laugardagsmorgnum. Stjórn reiðhallarinnar var mjög liðleg og hliðraði til eins og þurfti svo við hefðum þann tíma sem nauðsynlegur var til að koma öllum hópum fyrir. Æskulýðsnefnd bauð á námskeiðunum upp á kaffi og meðlæti og naut þar ómælds stuðnings **Almars bakara** sem lagði okkur til allt bakkelsi af miklum rausnarskap en allt kaffi var í boði **OJohnsons og Kaaber**.

Að kynningu lokinni var skráning á námskeið og voru skráningar 25 á börn byrjendur og lengra komin, á gangtegunanámskeið voru skráningar 11 og í Knapamerki 1, 2 & 3 voru skráningar 8 talsins. Alls skráðu sig á námskeið vetrarins 44 börn, unglingar og ungmenni. Mikið var skrafað og þælt í hvaða námskeið hver og einn hafði áhuga fyrir.

Mæltist þetta vel fyrir því kennsla stóð yfir frá kl. 18 og allt fram til 22 á kvöldin. Var því gott að fá smá hressingu, bæði fyrir kennara, nemendur og ekki síst foreldra sem þeim fylgdu en margir foreldrar voru með börn í samliggjandi tímum og viðveran því veruleg hjá mörgum auk þess sem margir komu keyrandi utan úr sveit með börn og hross.

Bóklegir tímar í Knapamerkjum 1, 2 & 3 voru kenndir í félagsheimilinu Hliðskjálfi og kenndi Rósa Birna Þorvaldsdóttir. Kennt var frá kl. 17:45 – 20:45.

Námskeið hefjast.

Námskeið hófust 16. janúar og var gríðarlega gaman að fylgjast með krökkunum og þeim miklu framförum sem urðu hjá þeim í jafnvægi ásetu og stjórnun.



Frá kynningarfundi

Hestafjör 2012 að Brávöllum



Frá Hestafjöri 2012

Hestafjör var haldið í fyrsta sinn 2011 og var þá í reiðhöllinni á Hellu. Í ár var ákveðið að hafa þennan viðburð á Brávöllum og bar æskulýðsnefnd hitann og þungann af verkefninu. Auglýst var eftir þátttakendum og fundur haldinn í Hlíðskjálfi 3. mars. Góð þátttaka var og skráðu sig 43 börn, unglingar og ungmenni frá Sleipni sem var um helmingur þátttakenda. Að hátíðinni stóðu eftirtalin hestamannafélög á Suðurlandi: Sleipnir, Geysir, Háfeti, Ljúfur og Sindri.

Æfingar hófust hjá okkur fljótlega eftir að skráningu var lokið og sá Hugufrún Jóhannsdóttir um þjálfun Sleipnis hópanna. Stífar æfingar voru út allan mars og fram í apríl. Mikla vinnu þurfti að leggja fram í reiðhöllinni til að hún yrði sem sem frambærilegust er hátíðin rynni í

garð en það tókst með sameiginlegu átaki. Hestafjör 2012 var svo haldið þann 15. apríl í blíðskaparveðri. Sleipnir var með 3 sýningarhópa en alls voru um 90 þátttakendur í Hestafjöri. Húsfyllir var í höllinni en kynnrir hátíðarinnar var Páll Bragi Hólmarsson. Ýmis atriði voru til skemmtunar og er þar helst að telja, Ingó Verðurguð, Pollapönk og leynigestinn Janus sem mætti með stóðhestinn Barða frá Laugarbökkum. Þeir léku ýmsar listir sem vöktu mikla lukku. Veitingar voru á boðstólum og áttu bæði þátttakendur og áhorfendur góðar stundir. Þykir nú sýnt að Hestafjörs hátíð hestamannafélaganna á Suðurlandi er komin til að vera. Sýningin var tekin upp af Fjölni hjá Hestafréttum þeim öflugna miðli hestamanna og kunnum við honum þakkið fyrir.

Spilakvöld Æskulýðsnefndar



Spilakvöld var haldið sunnudaginn 18. mars í félagsheimilinu sem æskulýðsnefnd stóð fyrir. Spiluð var félagsvist á sex borðum. Eftir nokkrar umferðir var farið að draga af sumum yngstu spilurunum, enda margir búnir að vera á fótum frá því eldsnemma um morguninn við æfingar fyrir Hestafjörið. Að spilamennskunni lokinni bauð æskulýðsnefnd öllum upp á léttar veitingar, pizzur, gos og kaffi í boði styrktaraðila.

Tókst þetta með miklum ágætum og voru fóru allir hæst ánægðir heim að loknu skemmtilegri samverustund. Tilgangur okkar með spilakvöldi er að hrista saman hópinn og eiga saman góða stund með öllum aldurshópum auk foreldra.



Miðvikudaginn 7. mars fengum við heimsókn í reiðhöllina. Voru þar á ferð fulltrúar frá markaðsdeild LÍ. Þau voru í fylgd formanns og stjórnar félagsins, komnir til að kynna sér þá miklu uppbyggingu sem félagið hefur staðið fyrir hér á Brávöllum. Æskulýðsnefnd var með námskeið í gangi á heimsóknartímanum og fengu Landsbankamenn fyrirlestur og kynningu á æskulýðsstarfi félagsins, sem er með miklum blóma og hafa skráningar og námskeið aldrei verið fleiri. Spilar þar inn í ekki síst að í fyrra var reiðhöllin tekin í notkun og gerbreytti það allri starfs aðstöðu fyrir barna og unglingastarfið í félaginu.

Fjölskyldudagur Æskulýðsnefndar



Foreldrar lögðu allt í þetta

Fjölskyldudagur æskulýðsnefndar var haldinn í tengslum við Firmakeppni Sleipnis þann 21. apríl og var hluti af þeim degi. Dagskráin hófst með hópreið um félagssvæðið. Að keppni lokinni tók við Fjölskyldudagur í reiðhöllinni þar sem húsnefnd var með veitingar. Meginuppákomman var sú að nú voru foreldrar þeirra sem þátt tóku í Hestafjörunu látnir ríða sama prógramm og börnin ríðu og á sömu hrossum. Vöktu þær sýningar mikla kátínu meðal áhorfenda sem og barnanna sem sáu nú foreldra sína takast á við sýningaratriði sitt með misgóðum árangri þó mikill væri viljinn.

Vornámskeið



Æskulýðsnefnd bauð upp á vornámskeið sem hófst í 18. viku. Í boði voru þrjú námskeið þar sem eitt var sniðið að yngsta aldurshópnum eitt var almennt reiðnámskeið og að lokum var í boði keppnisnámskeið. Kennarar voru, Hugufrún Jóhannsdóttir og Ragnhildur Haraldsdóttir



Foreldrar ríða sýningaratriði

Námskeiðin stóðu í 5 vikur og mæltust vel fyrir enda góð aðsókn. Yngstu börnin börnin voru stærsti hópurinn og vorum við mjög ánægð með hve vel hefur gengið að auka fjölda iðkenda í yngstu aldurshópnum. Fókussinn hjá eldri krökkunum er oft keppnistengdur en námskeiðahald virðist skila fleiri iðkendum almennt og má sjá fleiri börn á útreiðum eftir að reiðhöllin komst í gagn. Foreldrar eru duglegir að fylgja börnum sínum eftir á námskeiðunum og hefur það skapað samstöðu og verið vettvangur hugmynda um starfið og samvinnu varðandi flutning á hrossum, búningaval fyrir Hestafjör o.m.fl. Það væri illgerlegt að halda úti öfluglu barna og unglingastarfi ef ekki kæmu til duglegir og vinnufúsir foreldrar og þökkum við þeim kærlega fyrir frábært samstarf árið 2012.

Mikð starf var innt af hendi til öflunar tekna fyrir æskulýðsstarfið og var nefndin með greiðasölu við flest öll tækifæri sem buðust. Liggja þar ómældar vinnustundir og frídagar að baki.

Óvissuferð Æskulýðsnefndar 2012



Fimmtudaginn 17. maí var óvissuferð nefndarinnar farin. Auglýst var á vef félagsins og var skráning góð. Í ferðina fóru 23 börn, unglingar og ungmennti en fararstjórar voru sjö talsins. Lagt var af stað frá Hlíðskjálfi kl. 9 um morguninn en nefndarmenn mættu upp úr kl. 8 til að smyrja nesti fyrir hópinn. Fyrst var farið í Hveragerði og verksmiðja Kjöriss heimsótt. Þar tók á móti hópnum Guðrún Hafsteinsdóttir sem sagði frá fyrirtækinu og sýndi okkur heimildarmynd um starfsemina. Allir fengu svo ís á eftir í boði Kjöriss. Áfram var haldið og var næsti viðkomustaður Hellisheiðarvirkjun þar sem vel var tekið á móti okkur og vorum við leidd um húsakynninn og starfsemi virkjunarinnar kynnt. Boðið var upp á myndasýningu, jarðskjálftahermir skoðaður og horft til helstu staða í nágrenninu af svölum móttökusalarins.

Aftur var haldið af stað en næsta stopp var í fögrum lundi í Heiðmörk þar sem við snæddum nesti og brugðum á leik. Að dágóðum tíma liðnum héldum við að Hallgrímskirkju og eftir stutt stopp þar var haldið upp í Víðidal þar sem við heimsóttum Sigurbjörn Bárðarsson í hesthúsið. Tók hann vel á móti okkur, sýndi fjölda gæðinga og sagði skemmtilega frá svona í leiðinni. Að lokum sótti hann Penna frá Glæsibæ sem er 146 cm á herðakamb og sýndi okkur í reiðhöllinni. Hann var svo stór að erfitt var að hoppa á bak en Bryndís Arnars reyndi og stelpan flaug á bak. Átti Sigurbjörn svo sem ekki von á að neinum myndi takast þetta, á hnakklausum hestinum. Eftir frábæra heimsókn þökkudum við Sigurbirni fyrir frábærar móttökur og héldum í rútuna, seinni hluti ferðar var að hefjast.

Óvissuferðin- seinni hluti

Frá Sigurbirni var haldið suður með sjó. Af Reikjarnesbrautinni tókum við beygju í átt að Grindavík og fór nú nokkra að gruna hvert ferðinni væri heitið en áður en að því kom stoppuðum við og skoðuðum helli skammt frá veginum. Að því loknu skelltum við svo okkur með allan hópinn í Bláa Lónið þar sem við eyddum drjúgum en skemmtilegum tíma.

Nú var degi tekið að halla og mannskapurinn orðinn svangur og var þá stefnan tekin á Grindavík, nánar tiltekið Salthúsið þar sem Hjálmar Örn Erlingsson veitingamaður tók á móti okkur. Þar fengu allir hamborgara og drykki. Að máltíð lokinni var klukkan að verða átta og tími til heimferðar, það var glaður og hress hópur sem renndi í hlaðið að Hlíðskjálfi laust upp úr hálf-nú.



Hjá Sigurbirni Bárðarsyni



Í Bláa Lóninu



Dagmar Öder og Glódís frá Halakoti

Landsmótið tókst með miklum ágætum og stóðu okkar þátttakendur sig vel.

Í unglingaflokki var Dagmar Öder Einarsdóttir í 2. sæti á Glódísi frá Halakoti og í barnaflokki áttum við tvo öfluga reiðmenn, þær Dagbjörtu Skúladóttur á Lúxus frá Eyrarbakka sem var í 2. sæti í B úrslitum og Stefaniú Hrönn Stefánsdóttur á Dynjanda frá Höfðaströnd sem hafnaði í 4.-5. sæti í B úrslitum.

Landsmótsundirbúningur

Í ár var undirbúningur okkar barna, unglinga og ungmenna með svipuðum hætti og í fyrra enda hafði reynst vel að halda utan um hópinn árinu áður.

Sylvía Sigurbjörnsdóttir var fengin til að þjálfa þá knapa sem vildu nýta sér það, bæði var um að ræða undirbúning vikunnar fyrir landsmótið og stuðning við keppendur á Landsmótinu sjálfu. Skemmt er frá að segja að mikil ánægja var með hennar störf. Haldinn var svokallaður töflufundur með reyndum dómara enda hæg heimatökin þar sem formaður æskulýðsnefndarinnar, Ágúst Hafsteinsson, lumar á langri reynslu sem dómari. Keyptir voru léttir jakkar á hópinn, merktir Sleipni, nafni hvers þátttakanda og auðvitað Landsmóti 2012. Skoðað var að leigja hesthúspláss á Víðidalssvæðinu fyrir hópinn en horfið frá því þar sem Fáksmenn voru með öll hús á sínum snærum og buðu þeim sem vildu nýta sér til leigu.

Fjáröflun æskulýðsnefndar

Nefndin hefur átt dygga stuðningsaðila sem hefur reynst ómetanlegt. Æskulýðsnefnd hefur einnig verið með veitingasölu á helstu viðburðum til fjáröflunar á starfinu og hafa foreldrar, börn og unglingar í félaginu aðstoðað eftir megni. Fastur liður í starfinu er að teyma undir börnum við ýmis tækifæri s.s. á Sunnlenskum sveitadögum, þann 1. maí fyrir verkulýðsfélagið og Vor í Árborg auk þess að leggja til knapa í fánareid við hátíðlegar athafnir.

Nefndin tók jafnframt að sér að sjá um matargerð og/eða framreiðslu fyrir ýmis mót í vetur í samstarfi við aðrar nefndir félagsins.



Teymt undir á Sunnlenskum sveitadögum



Anna Rúnarsdóttir og Guðlaug Bára Sigurjónsdóttir standa vaktina í sjoppunni.



Frá fánareid á Selfossi

Unglingalandsmót UMFÍ 2012 Selfossi



Sigríður Óladóttir og Dökkvi frá Ingólfshvoli

Af vefsíðu UMFÍ

„Mikil og góð stemning var þegar 15. Unglingalandsmót UMFÍ var sett í blíðskaparveðri að viðstöddu fjölmenni á Selfossvelli. Setningarathöfnin hófst á því að keppendurnir gengu fylktu liði inn á völlinn. Að því búnu var hvítbláinn dreginn að húni og ungir hestamenn komu ríðandi með unglingalandsmótseldinn inn á svæðið. Marín Laufey Davíðsdóttir, glímudrottning, tók við kyndlinum og tendraði unglingalandsmótseldinn.

Ávörp fluttu Helga Guðrún Guðjónsdóttir, formaður UMFÍ, forseti Íslands hr. Ólafur Ragnar Grímsson og Katrín Jakobsdóttir, mennta- og menningarmálaráðherra.

Þátttakendur á mótinu voru á þriðja þúsund og hafa aldrei verið fleiri..

Eftir setningarathöfn Unglingalandsmótsins í gærkvöldi var afhjúpaður bautasteinninn á íþróttavallarsvæðinu til minningar um mótin sem haldin hafa verið á Selfossi, Landsmótið 1978 og Unglingalandsmótið sem nú stendur yfir. Það voru Helga Guðrún Guðjónsdóttir, formaður UMFÍ, og Ásta Stefánsdóttir framkvæmdastjóri Árborgar sem afhjúpuðu bautasteininn í sameiningu. Helga Guðrún Guðjónsdóttir, formaður UMFÍ, sagði af þessu tilefni það heiður fyrir hönd hreyfingarinnar að fá að afhenda sveitarfélaginu þennan minnisvarða“

Í ár var Unglingalandsmót UMFÍ haldið á Selfossi og var Formaður æskulýðsnefndar beðinn um að vera sérgreinastjóri á mótinu. Æskulýðsnefndin var í framhaldinu beðin um að sjá um framkvæmd hestaíþróttahluta mótsins. Unglingalandsmótið sjálft er góður vettvangur fyrir unglinga af öllu landinu til að hittast og eiga saman skemmtilega helgi. Mótið er jafnframt góður vettvangur fyrir minna keppnisvana til að æfa sig og læra. Unglingar í Sleipni tóku virkan þátt í mótahaldinu, bæði sem keppendur en ekki síður með því að vinna við mótahaldið sem ritarar, afgreiðslufólk í sjöppunni, fánareid við opnunarathöfn o.m.fl.

Mikil ánægja var meðal gesta með aðstöðuna að Brávöllum bæði fyrir hesta og menn. Andinn sem sveif yfir mótinu var gríðarlega jákvæður og góður og víst að við getum mælt með því fyrir alla unglinga og fjölskyldur þeirra að mæta á Unglingalandsmót sem haldin eru um verslunarmannahelgi ár hvert. Við viljum hrósa ungmennafélögunum fyrir það frábæra framtak sem þessi mót eru.



Fyrsta Unglingalandsmót UMFÍ var haldið á Dalvík 1992. Unglingalandsmótin hafa svo sannarlega sannað gildi sitt sem glæsilegar fjölskyldu- og íþróttahátíðir þar sem saman koma þúsundir barna og unglinga ásamt fjölskyldum sínum og taka þátt í fjölbreyttri dagskrá.

Unglingalandsmót UMFÍ er vímuefnalaus fjölskylduhátíð þar sem börn og unglingar á aldrinum 11 – 18 ára reyna með sér í fjölmörgum íþróttageinum. Samhliða er boðið upp á fjölbreytta afþreyingu, leiki og skemmtun fyrir alla fjölskylduna.

Unglingalandsmótin hafa hvarvetna vakið mikla athygli og þeir fjölmörgu sem þau hafa sótt hafa verið öðrum til mikillar fyrirmyndar með allri framkomu hvort sem er í keppni eða leik. Unglingalandsmótin eru klárlega með stærri íþróttaviðburðum á Íslandi ár hvert og eru nú orðin árlegur viðburður um verslunarmannahelgina.

Unglingalandsmótin eru ávallt haldin um verslunarmannahelgar og haf sem slík mikið forvarnargildi. Mótin eru ætluð ungmennum á aldrinum 11-18 ára og er keppt í fjölmörgum íþróttageinum frá föstudegi til sunnudags. Segja má að þetta sé það eina sem að kom út úr fyrstu fundum UMFÍ en Akureyringar voru orðnir langeygðir eftir því að halda íþróttamót og ákveðið er að halda fjórðungsmót norðlendinga undir merkjum UMFÍ á Akureyri 17. júní 1909. Ljóst er að UMFA á allan þátt í því að koma þessu íþróttamóti á en bæjarfélagið birti fréttatilkynningar til allra bæjarbúa sem að beðin eru að flagga íslenska fánanum í tilefni dagsins og ekki síst þar sem að þetta var afmælisdagur Jóns Sigurðssonar forseta..

Æskulýðsnefnd Sleipnis 2012



Fundur Æskulýðsnefndar 21.janúar 2012 á Tjörnum

Í Æskulýðsnefnd Sleipnis 2012 voru:

Ágúst Hafsteinsson, formaður
Anna Rúnarsdóttir, gjaldkeri
Sigríður Magnea Björgvinsdóttir
Sigurjón Haraldsson
Sigurvaldi Rafn Hafsteinsson
Aldís Pálsdóttir
Christiane Grossklaus



Æskulýðsnefnd vill þakka öllum þeim sem hönd lögðu á plóginn í æskulýðsstarfinu í vetur fyrir ómetanlega aðstoð og fyrirgreiðslu og foreldrum fyrir frábært samstarf. Þau fyrirtæki sem studdu æskulýðsstarfið koma fram á næstu síðu en þau komu mörg rausnarlega að starfinu með því t.d. að gefa veitingar á ýmsar upptækur, vörur í sjoppuna okkar, hey og spænið vegna Hestafjörðsins, lán á hesthúsi vegna Hestafjörðsins og kaupa auglýsingu á boli Hestafjörðsins svo eitthvað sé nefnt. Æskulýðsnefnd þakkar þeim stuðninginn með von um áframhaldandi velvilja og stuðning.

Margir góðir fundir voru haldnir í vetur hjá æskulýðsnefnd og voru flestir þeirra haldnir í félagsheimilinu en til að brjóta upp fundahöldin og þetta hópinn var fundað einu sinni hjá Sirrý og Rabba að Tjörnum, einu sinni hjá Christiane og Óla á Egilstöðum 1, einu sinni í Litlu-Sandvík hjá Aldísi og nokkrum sinnum í hesthúsinu hjá Sigga og Önnu þegar félagsheimilið var upptekið. Verkefnum var skipt þannig að allir tóku eins virkan þátt og aðstæður leyfðu. Við kölluðum eftir aðstoð foreldra sem studdu vel við starfið í vetur og tóku virkan þátt í að skapa lifandi og skemmtilegt æskulýðsstarf.





Styrktaraðilar Æskulýðsnefndar Sleipnis 2012



Gæða Spænir frá
Hestalist ehf.



Gæða hey frá
Villa í Litlu-Tungu



Krás Kjötvinnsla

